

脾胃部

水脹通論

少腹脹

水腫

少腹脹滿

胎前水腫

胎前腹脹

產後水腫

八卷
卷之二

奇異同

二十四



醫學綱目卷之二十四 脾胃部

水脹通論

水脹皆本於房勞過度

靈黃帝問曰水穀入于口輸于腸胃其液別為五天寒衣薄則為溺與氣天熱衣厚則為汗悲哀氣并則為泣中焦胃緩則為唾邪氣內逆則氣為之閉塞而不行不行則為水脹余知其然也不知其何由生願聞其道岐伯曰五穀之津液和合而為膏者內滲入于骨空補益腦髓而下流于陰股陰陽不和則使液溢而下流于陰髓液皆減而下下過度則虛虛故腰背痛而脛痠陰陽氣道不通四海塞閉三焦不瀉津液不化水穀并行腸胃之中別于迴腸留于下焦不得滲膀胱則下焦脹水溢則為水脹五瀆津液過度謂房勞過度也

診法

本臍腹四肢悉腫者為水但腹脹四肢不甚腫為蠱蠱即



靈黃帝問于岐伯曰水與膚脹鼓脹腸覃石瘕石水何以別之岐伯答曰水始起也目窠上微腫如新臥起之狀其頸脈動時欬陰股間寒足頸腫腹乃大其水已成矣以手按其腹隨手而起如裹水之狀此其候也黃帝曰膚脹何以候之岐伯曰膚脹者寒氣客于皮膚之間慄慄然不堅腹大身盡腫皮厚按其股骨而不起腹色不變此其候也鼓脹何如岐伯曰腹脹身皆大大與腹脹等也色蒼黃腹筋起此其候也腸覃何如岐伯曰寒氣客于腸外與衛氣相搏氣不得榮因有所繫癖而內着惡氣乃起瘕肉乃生其始生也大如鷄卵稍以益大至其成如懷子之狀久者離歲按之則堅推之則移月事以時下此其候也石瘕何如岐伯曰石瘕生于胞中寒氣客于子門子門閉塞氣不得通惡血當瀉不瀉以留止日以益大狀如懷子月事

不以時下皆生于女子可導而下黃帝曰膚脹鼓脹可刺邪岐伯曰先瀉其脹之血絡後調其經刺去其血絡也論石水臍已下腫其脈沉

治法

素帝曰其有不從毫毛生而五臟陽以竭也津液充郭注王

獨居孤精於內氣耗于外形不可與衣相保此四極急而

動中是氣拒于內而形施于外治之奈何岐伯曰平治於

權衡去宛陳莖微動四極溫衣繆刺其處以復其形開鬼

門潔淨府精以時服五陽已布踈滌五臟故精自生形自

盛骨肉相保巨氣乃平湯液醲醑論開鬼門發汗也熱

衡謂察其脈浮沉也脈浮為在表脈沉為在裏在裏者泄

之在表者汗之故下文云開鬼門潔淨府也去宛陳莖謂

去積久之水物猶如草坐之不可久留於身中也微

動四極謂微動四肢令陽氣漸以宣行故曰溫衣也

水腫先目足腫後腹大為水

胎前水 產後水

仲諸有水者腰已下腫當利小便腰已上腫當發汗乃愈
風水脉浮身重汗出惡風者防已黃芪湯主之

防已兩

黃芪一分

白朮三分

甘草炙半兩

右剉每服五錢生姜四片棗一枚水盞半煎取八分去
渣溫服良久再服腹痛加芍藥一法潔古用此湯調五
苓散治因濕為腫者又方防已湯治風濕脉浮為在表
重從腰已上為和腰已下
常腫及身重難以屈伸

皮水為病四肢腫水氣在皮膚中四肢聶聶動者防已茯苓湯主之

防已

黃芪

桂枝各三兩

茯苓兩

甘草兩

右五味以水六升煮取二升分溫三服
厥而皮水者蒲灰散主之方見林○已上利小便法

風水急風一身悉瘡脉浮不渴續自汗出無大熱越婢湯主之

麻黃六兩

石膏兩半

生姜兩

大棗十五枚

甘草兩

右五味以水六升先煮麻黃去上沫內諸藥煮取三升
分溫三服惡風者加附子一枚炮風水加米四兩
裏水者一身面目黃腫其脉沉小便不利故令病水假如
小便自利此亡津液故令渴也越婢加朮湯主之于前越
婢湯加白朮四兩甘草麻黃湯亦主之

甘草兩

麻黃兩

右二味以水五升先煮麻黃去上沫內甘草煮取三升
溫服一升重覆汗出不汗再服慎風寒
水之為病其脉沉小屬少陰浮者為風無水虛脹者為氣

水其汗即已脉沉者宜麻黃附子湯浮者宜杏子湯

麻黃兩 甘草兩 附子炮一箇

右三味以水七升先煮麻黃去上沫內藥煮取二升半

温服八合日三服已上發汗出愈

丹溪法

水腫因脾虛不能制水水積妄行當以參朮補脾使脾氣得實則能健運自然升降運動其樞機則水自行非若五苓之行水也宜補中行濕利小便切不可下當用二陳湯加白朮人參蒼朮為主佐以黃芩麥門冬制肝木若腹脹少佐厚朴氣不運加木香木通氣若陷下升麻柴胡提乏隨症加減必須補中用大劑白朮補脾如壅滿用半夏陳皮香附監之有熱者當清肺金兩冬黃芩之屬 赤岸馮令八官素飲食不知飽但食肉必泄忽遍身發腫頭面加多致月亦不可開腸間滿如築兩足麻至膝而止渾身

不可見風陰器挺長其脉左沉而重取不應右三部雖虛小却有和滑氣象遂令單煮白朮湯飲早晨空心探而去之食後白朮二錢麻黃五分川芎半錢防風三分作湯下保和丸五十九丸如此者二日因吐中得汗通體上截為多遂得腫寬而眼開氣順而食進却于前方中麻黃防風加白朮三錢木通通草各半錢下保和丸五十九丸如此者五日而安此即開胃之法也 蘆節婦年二十餘半月之前夜間發熱面先腫次及身足腫肚亦腫口渴思冷水食畧減

大腹皮半錢 白朮半錢 蒼朮半錢 梔子四枚
川芎錢一 麻黃分六 木通錢一 乾葛分二
甘草稍少

朱秀才因久坐受濕能飲酒下血以苦瀉藥地之遂成腫

疾而吐足皆腫口渴中滿無力少汗脉澹而短乃血為濕氣所傷法當行濕順氣清熱進食化積

滑石錢六

白木紅

木通紅

厚朴

乾葛各二錢

蒼朮三錢

分四貼加蘇葉七片每三貼煎至二之二熱下保和丸

與點在温中丸各五十九

王三九孺人浮腫膈滿腹滑泄口苦而渴小便赤少脉虛而豁大稍遲此有汚積病為人性急

滑石兩一

陳皮四

蘇梗

白木

川芎

水通

厚朴各二錢

茯苓皮半一錢

甘草稍錢半

分六貼用順流水煎下保和丸九廿五丸抑青丸十九丸

吳孺人胃中有積發為腫成瘡疥身倦食少惡寒發熱脉

虛而沉

白木六錢兩

滑石兩二

生地

木通

川芎各半兩

黃芩

茯苓皮

連翹各四錢

紫蘇三錢

甘草錢多一錢半

下保和丸三十九

一女子年三十餘歲腫病有熱服藥得安但兩足下節不

白木錢一

郁李仁半兩

蘇梗

木通

條芩

檳榔

枳實炒半兩

青皮兩一

甘草稍錢一

分斗貼細研郁李仁以順流水三盞起煎一盞食前

熱服

張郎六歲秋得腫疾午前上甚午後下甚口渴乏力脉澹

弱食亦少稟氣素怯汗不能自出鬱而為水與灸三里肺俞大椎合谷分水又與此方

白米半錢 陳皮五 黃芩 紫蘇

海金沙 木通 大腹皮 茯苓皮

乾葛炒 厚朴 甘草各二

作三貼水煎服

光明人脚腫肚畧急身微熱脉畧數口乾

白木錢一 茯苓分五 乾葛炒分五 蘇梗錢五

大腹皮錢三 甘草錢一 川芎錢二 陳皮分五

許宅婦人二十已上脚蹠腫近白有瘡毒

白木錢七 蒼朮 陳皮 犀角末

川芎錢五 木通 連翹 蘇葉各三錢

甘草稍一錢

分七貼煎後入姜汁冷辣熱食前服

馮官人因內有濕積兼時令濕熱右腿少陽分發爛瘡如掌大痒甚兩手脈洪緩畧數面自手足俱虛腫膈中午前痞悶午後腫到兩足則膈寬

犀角生五分 枳殼炒分五 陳皮 連翹

白木各一錢 木通分五 蒼朮分五 甘草稍二分

茯苓分五 加姜汁煎服

馮客瘡而發腫微渴脉左手虛右手大食少

白木半錢 陳皮錢一 木通 厚朴炒

大腹皮各五分 甘草分二 牛膝分五 蘇梗分三

姜三

馮孺人瘡而浮腫大使自利

人參 半夏 陳皮各一錢 川芎

蒼木炒

白芷各五分

木通二錢

白朮半錢

甘草各三分

王官人年四十瘡兩目一癢始善啖至春作腫大小便秘食少面浮腫口渴

厚朴一錢

白朮半錢

木通七分

陳皮一錢

川芎

大腹皮各五分

滑石各一錢

甘草各三分

右丹溪治水腫之法十五條其法大率皆以甘草佐白朮參陳等劑補中氣為君木通滑石郁李仁海金沙行水為臣厚朴大腹皮蘇梗通滯氣為佐使如氣不昇浮惡寒脉沉者探吐以提之頭面先腫加麻黃微泮之挾積氣者佐以保和温中抑青等丸磨之挾熱者佐以黃芩之類清之挾瘡癰者佐以連翹犀角散之而隨証加

減也

先補後

羅治腫以胃氣為本至元成寅五月間積雨淋漓瘴氣鬱許仲年先生時年五十有八面目肢體浮腫大便澹多腹脹腸鳴時痛飲食減少命主治之脉得弦細而緩魯齋曰年壯時多服牽牛大黃藥面目四肢時有浮腫今因陰雨故大發予曰營運之氣出自中焦者胃也胃氣弱不能布散水穀之氣滯聚臟腑經絡皮毛故氣行而瀆為浮腫大便澹多而腹脹腸鳴皆濕氣勝也四時五臟皆以胃氣為本五臟有胃氣則和平而身安若胃氣虛弱不能運動滋養五臟則五臟脉不和平本臟之氣盛者其脉獨見輕則病過甚則必死故經曰真臟之脉弦無胃氣則死先生之疾幸而未至于甚尚可調補人知服牽牛大黃為一時之快不知其為終身之害也遂以平胃散加白朮茯苓草薈

仁數服而腹脹瀉泄腸鳴特痛皆愈飲食進止有四肢浮腫以導滯通經湯主之良愈

導滯通經湯治癰濕有餘及氣不宣通面目手足浮腫

陳皮 桑白皮 白朮 水香 各五錢

五兩 茯苓 去一兩

霖雨時加澤瀉一兩

右咬咀每服五錢水二盞煎至一盞食前溫服

白茯苓湯能變水

白茯苓 澤瀉 各二兩 郁李仁 鈿

右咬咀作三服水一碗煎至一升生姜自然汁入藥常服無時從少至多服五七日後身腹下再腫治以白朮散

白朮 澤瀉 各半兩

白朮

澤瀉 各半兩

先攻後補

雜方

右為末煎服三錢或丸亦可煎茯苓湯下三十九以黃芪芍藥建中湯之類調養之平復後忌房室魚葷麪等物

本大東湯治四肢腫滿用白朮三兩咬咀每服半兩水一盞半大東三枚拍破同煎至九分去渣溫服日三四服不拘時候

梅治水腫不能服藥商陸一升羊肉六兩以水一斗煮取六升去渣和肉葱豉作腫如常法食之商陸白者好

食醫治十種水氣痛不瘥欲死者鯉魚一頭重一斤已上者煮熟取汁和冬瓜葱白作羹食之 治十種水氣病不瘥垂死者青頭鴨一隻治如食法細切和米并五味煮令熟作粥空腹食之

梅治水氣脹滿小便澀白鴨一隻去毛腸洗淨饋飯半升

開鬼門

與椒姜同穰鴨腹中縫定如法蒸熟食之

子和之營其狄家小兒病風水諸醫用銀粉粉霜之藥小便反瀆飲食不進頭腫肚脹四肢皆滿狀若水晶求治戴人戴人曰此証不與壯年同壯年病水者或因留飲及房室此小兒總七歲乃風水証也宜出汗乃置燠室以屏帳通避之不令見火若內火見外火必昏瞶也使夫服胃風湯而浴之浴訖以布單重覆之凡三五重其汗如米腫乃減五分隔二三日又依前法治之汗出腫減七分又三汗而全減尚未能食以檳榔丸調之兒已嬉笑如常日矣

本治水氣羌活散

羌活

蘿蔔子各等分

右同炒香熟去蘿蔔子不用末之溫酒調下一錢二日一服二日一服三日一服取效

羅五皮散治他病愈後或瘡痂後身體面目四肢浮腫小便不利脉虛而大此由脾肺虛弱不能運行諸氣氣虛不理散漫於皮膚肌腠之間故令腫滿也此藥並宜服之

大腹皮

赤茯苓皮

生姜皮

陳皮

桑白皮炒各等分

右件為粗末每服五錢水一大盞同煎至八分去渣溫服不拘時候日進三服

香蘇散治水氣虛腫小便赤澀

陳皮去白

防己

木通

紫蘇葉各半兩

右為末每服二錢水一大盞生姜三片同煎

外治水病洪腫氣脹不消食用香薷五十斤細剉納釜中水浸上數寸煮使氣盡去香澄清熬稠丸如桐子大日三服每服五丸稍加之以小便利為度

梅治水腫作坐臥不得頭面身體悉腫取東引花桑枝燒
灰淋汁煮赤小豆心食令飽飢即食盡不得吃飯

瓜性急久病與
陽虛者忌之

治冰病初得危急冬瓜不限多少任吃神效無比

十種水氣冬瓜去穰納赤豈在內蒸熟為丸服治痢
日久津液枯四肢腫口乾用冬瓜黃土厚包五寸煨熟去
王取汁飲之

羅白丸子治遍身腫及單腹脹滿喘悶不快小便赤澇神
效

輕粉五錢 粉霜炒四錢 礶砂研炒二錢 滑石研炒四錢
寒水石炒三錢 白丁香研羅末三錢
右件藥將輕粉滑石二味一處研勻用薄紙裹了却更
和百麩作餅再裹前藥又用桑柴火燒以熟為度取出

與前四味一處和勻水浸蒸餅搗乾為丸如菘菹大每
日姜湯下三服食前下第一日每服二九第二日每服
三九第三日每服四九第四日每服五九如覺小便多
腫漸減便勿服如小便不多更服一百二百加作六九
做一服下日亦三服腫消為效如服藥至第三日覺牙
縫內痒痛口氣出時使用漱口藥用貫眾黃連各半兩
為散每服一錢水一盞前至七分入龍腦少許攪勻溫
服之每一日煎三錢漱口如腫消忌鹽魚肉冷硬果食
只服粥百日永瘥如臟腑秘瀉氣實先服治腫海藻散
此藥親用救入甚多神效

海藻散方見本門

仲牡礪澤瀉散治腰以下腫方見傷寒

河草蔞丸治一切水濕氣通身腫不可當者

人參兩一

苦葶藶四兩于鍋內吊炒黃色為度

右二味同為細末用東肉和丸桐子大每服十五丸煎桑白皮湯下日進三服空心食前驗

羅聖靈丹治脾肺有濕喘腫盛小便赤澹

苦葶藶四兩 木香

枳榔 茯苓裹

防風 木通

人參已上各二錢半恐是二兩半

右為末用東肉為丸如桐子大煎桑白皮湯下

垣赤茯苓丸治脾濕太過四肢腫滿腹脹喘逆氣不宣通小便赤澹

葶藶四兩

防已二兩

赤茯苓一兩

木香五錢

右為細末東肉丸如桐子大每服三十九丸煎桑白皮湯下食前

續隨子丸治遍身虛腫喘悶不快

人參

漢防已

赤茯苓

木香

枳榔各五錢

苦葶藶四兩

續隨子一兩

海金沙五錢

右為細末東肉丸如桐子大每服三十九丸煎桑白皮湯食前下

海紫古方治水腫用蜈蚣去頭尾與葡萄心同搗露七日

曝乾為末淡酒調下暑月濕用尤佳聖惠方治水腫喘促至三錢小便通效

仲夫水病人目下有臥蚕或面目鮮澤脉伏其人消渴病

水腹大小便不利其脉沉細者有水可下之

世治水腫

薏苡仁根 君木香

枳榔

黑牽牛

右為末酒調服效

外瘡水病腫用鯉魚一頭極大者去頭尾及骨唯取肉以

有積者宜下

輕劑

水二升赤小豆一升和魚肉煮取二升已上生布絞取汁去渣頓服盡如不盡分爲三服當下利利盡即瘥

本治身躄腫滿水氣急臥不得郁李仁一升合搗爲末合和麩搜作餅子與吃入口即大便利氣便瘥

丹有人患脚肤腫漸上膝足不可踐地大水頭面遍身腫脹滿用苦瓠瓢實稔如豈大以麩裹煮一沸空心服七枚至午當出水一斗三日水自出不止大瘦乃瘥三年內須慎口味一方治腫取苦瓠殼以鹽搽殼上燒存性爲末煎童便一盞調服瘥苦瓠須擇無腐細理紫淨者不爾有毒

世三種散治浮腫用陳蘿蔔種去瓢陳蒲殼去瓢烏豈一合同煎服即時退

羅無礙丸治脾濕積流四肢腫滿
大腹皮二兩 木香兩 蓬朮 京三稜

栝柳

郁李仁 各一兩

右爲細末炒麥麩糊爲丸如桐子大生姜湯下

本治腫滿小便不利茯苓散

赤茯苓 白朮

郁李仁 四錢

栝柳 二錢

赤茯苓

白朮

甘遂 各一錢 陳皮 半錢

右細末每服一錢姜蔥湯調下

治十種水病并根源証狀方法

大戟

一青水先從左右肋腫起根在肝

葶藶子

二赤水先從舌根起根在心

甘遂 微炒

三黃水從腰腹起根在脾

桑白皮

四白水從脚腫起根在肺

連翹

五黑水從外腎腫起根在腎

羌花 醋炒

六玄水從面腫起根在外腎

七風水從四肢腫起根在骨
八石水從腎腫起根在膀胱
九高水從小腹腫起根在小腸
十氣水或盛或衰根在腹

澤瀉
藜蘆
巴豆去油
赤小豆

右十般種病各有根源種種不同看十種病根除一味
倍多餘九味等分逐味依法修治焙為細末煉蜜丸如
桐子大用赤茯苓湯吞下三丸不拘時候每日三服忌
鹽一百二十日緣鹽能化水也又忌魚蝦麪食一切毒
物及生冷房室甚效此方獲慶後更用後來補藥

補藥方

肉桂去粗皮 赤茯苓去皮 乾姜 莪朮醋炒
川芎 肉苳蓯 桔梗各等分依法煎服
皮白 枳椇方無赤茯苓莪朮有青

峻劑

右等分為末每服三錢百沸湯點服空心食前晚食前
各一服前項三方治水腫病甚效予試用之百發百中
獲濟者無數世間所有水病方藥無出此三方之古道
幸勿忽

河三花神祐丸治中滯腹脹一切水濕腫滿

甘遂 大戟 芫花醋拌溫炒
大黃兩 輕粉 牽牛兩

右為末滴水丸如小菝大初服五丸每服加五丸溫水
下每日三服已以利為度得利止後服神效

鼓垣海金砂散治脾濕太過通身腫滿喘不得臥及腹

牽牛炒一兩半生 甘遂錢五 白木兩
海金砂錢三

右為細末每服二錢煎倒流水一盞食前調下得宜利其後服

羅海藻散治男子婦人通身虛腫喘滿不快

海藻 大戟 隨續子去壳各一兩

兩右四味用好酒浸一宿取出曬乾候用 滑石半兩 白牽牛頭末生一兩

陳皮去白各半兩 甘遂炒一兩 白芷剉 青皮剉

右前藥都一處杵為細末大人每服二錢如氣實者三

錢平明冷茶清調下至夜時取下水三三行腫減七分

隔二三日平明又一服腫消忌魚肉百餘日小兒腫服

一錢五歲以下者半錢女人有胎者不可服

保錢氏論虛實腹脹實則不因吐瀉及病之後亦不因下利得之脹而喘急悶亂更有痰有熱及有宿食不化者宜

大黃丸白餅子紫霜丸下之更詳別大小便如俱不通先利小便後利大便虛則久病吐瀉後其脈微細主目胞腫虛腫手足冷宜先與壅氣丸後與異攻散及和中丸益黃散和其氣因氣而腫者煎陳皮湯因濕而腫者煎防己黃芪湯調五苓散因熱而腫者八正散又一法燥熱于肺為腫者乃絕水之源當清肺除燥水自生矣于梔子豉湯中加黃芪如熱在下焦陰消使氣不得化者宜益陰則陽氣自化加黃連黃柏是也

寒熱 恒中滿分消丸方明

丹熱水腫 梔子五錢 木香一錢 白朮半錢 急流水煎

服又方山梔子去皮取仁炒槌碎米飲湯送下如胃脘熱病在上者帶皮用

本治遊風攻頭面或四肢作腫塊知母湯

知母 麻黃 黃芪 甘草
羌活 白朮 枳殼各一

右粗末每服四錢水一盞半牛旁子百粒研碎煎至七分溫日三四服覺冷不用牛旁子有一達官母年七十中風手拘攣平日止是附子之類扶養一日面浮腫手背亦腫尋常有一國醫供藥診之是水病欲下大戟牽牛以導之其家大驚憂惶召予議之予曰素問稱面腫曰風足脛腫曰水此服附子太過正虛風生熱之証咽必噎塞膈中不利誠如予言進升麻牛旁玄參湯繼以知母湯三百便愈

無復元丹治三焦不瀉氣脉塞閉樞機不通喘息奔急水氣盈溢滲透經絡皮膚溢滿足脛尤甚兩自下腫腿股間冷口苦心腹堅脹不得正偃偃則咳嗽小便不通夢中虛

驚不能安臥

獨活炮二 木香炒 川椒炒出 羌活
厚朴去皮 陳皮 吳茱萸炒 桂心各一
澤瀉半 肉蔻煨 檳榔各半

右為末糊丸如桐子大每服五十九丸煎紫蘇湯送下不拘時此藥世傳屢驗服者宜先屏去諸藥三日三服先服旋利如傾次即腫消喘止宜絕慾屏鹽半年乃不再作

本治脾虛浮腫實脾散

大附子一枚 甘草一 乾姜二
大腹皮去皮 木瓜去穢
右用水于沙器內煮乾一半擘開看乾姜不自心為度亦不得令水乾至焦取出焙乾為末每日午時空心沸

湯點服

藏府

素三陰結謂之水陰陽別論○王註云謂脾肺之脉俱寒結也

下焦溢為水

全文見診○王註云下焦為分注之所氣室不滙則為溢水

陽明所謂上喘為水者陰氣下而復上則邪客于臟腑間故為水也

運氣

運氣水腫有四

一曰濕經云太陰所至為胛腫又云濕勝則濡泄甚則水閉胛腫又云太陰之勝足脛胛腫飲氣于中胛腫于上又云太陰司天客勝則首面胛腫呼吸氣喘治以諸熱是也
二曰火熱經云諸病胛腫皆屬于火又云少陽司天火氣下臨肺氣上從寒熱胛腫又云少陽司天火淫所勝民病皮膚痛色變黃赤傳而為水身面胛腫腹滿仰息又云少陽之復渴引水漿化而為水傳為胛腫又云少陽司天客

針灸

勝甚則胛腫治以諸寒是也

三曰寒經云寒勝則浮是也

四曰燥經云陽明所至為浮虛是也

黃帝問曰少陰何以主腎上何以主水岐伯對曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之閉也閉門不利故聚水而從其類也上下溢于皮膚故為胛腫胛腫者聚水而生病也帝曰諸水皆生于腎乎岐伯曰腎者牝臟也地氣上者屬于腎而生水也故曰至陰勇而勞甚則腎汗出腎汗出逢于風內不得入于臟腑外不得越于皮膚客于玄府行于皮裏傳為胛腫本之于腎名曰風水所謂玄府者汗空也帝曰水俞五十七處者是何主也岐伯曰腎俞五十七穴積陰之

所聚也水所從出入也尻上五行七五者此腎俞故水病
下為筋腫大腹上為喘呼不得臥者標本俱病故肺為喘
呼腎為水腫肺為逆不得臥分為相輸俱受者水氣之所
留也肺腎之標本其上下分為相輸應之病而伏菟上各
俱受者緣此二臟及水氣之所蓄故也伏菟上各
二行行五者此腎之街也三陰之所交結於脚也踝上各
一行行六者此腎脈之下行也名曰太衝凡五十七穴者
皆臟之陰絡水之所客也水熱
尻上五行行五

- 脊中一 懸樞一 命門一 腰俞一
- 長強一 大腸俞二 小腸俞二 膀胱俞二
- 中胎內俞二 白環俞二 胃倉二
- 盲門二 志室二 胞肓二 秩邊二
- 伏菟上各一行行五

- 中柱二 四滿二 氣穴二 大赫二
- 橫骨二 外陵二 大巨二 水道二
- 歸來二 氣街二
- 踝上各一行行六

- 太衝二 復溜二 陰谷二 照海二
- 交信二 築賓二

靈風痲膚脹為五十七疔取皮膚之血者盡取之四時
氣篇

刺灸水腫有五法

其一取腎膀胱經前篇云五十七穴者是取其二經之穴
也又經云腎病者腹大脛腫取其經少陰太陽血者是取
其二經之血也
其二取血絡經前篇云取皮膚之血者盡取之是也
其三取胃經云胃足陽明之脉所生病者大腹水腫視盛

虛熱寒陷下取之是也
其四取委陽經云三焦病者不得小便溢則水取委陽是也

其五筭針取水先以鈹針針之已刺而筭之引針而紮之入而復之以盡其沫必堅來來緩則煩悅來急則安靜間日一刺之沫盡乃止筭針針中有六

撮浮腫分中腕各灸內庭行間臨泣各瀉東水氣皮痛不可近衣小腹敦敦然小便黃身濶章門立安

外腰水腫先從腰腫起肝募水分
內中水腫面痿黃胃腕通谷氣海水分
胞中水腫根在心水赤心俞巨關氣海
腹中水腫從脾起水黃脾俞胃腕水分

肺喘水腫從胸起水白肺俞肝募
足心水腫從足起白環俞水分臍中
四肢水腫變身浮膽募
兩脇水腫四肢枯瘦從脇腫起章門期門
小腸水腫從臍腫起氣海

保五脈論五水灸法
青水灸肝并弦赤水灸心榮洪黃水灸脾俞緩白

水灸肺經瀋黑水灸腎合沉
甲身腫關門主之風水腫脹皮腫三里主之風水膝腫

巨虛上廉主之風水面附腫頰黑解溪主之風水面
附腫衝陽主之水中留飲胸脇支滿刺陷谷出血立已

面附腫上星主之先取諱諱後取天牖風池水腫人
中盡滿唇反者死水溝主之水腫太臍平灸臍中無理

不治
素目窠微腫如針刺之狀曰水平人氣足脛腫曰水

仲病下利後渴飲水小便不利腹滿因腫者何也答曰此

法當病水若小便自利及汗出者自當愈跌陽脈當伏

合反數本自有熱消穀小便數今反不利此欲作水

口脈浮而遲浮脈則熱遲脈則潛熱潛相搏名曰沉跌陽

脈浮而數浮脈則熱數脈則止熱止相搏名曰伏沉伏相

搏名曰水沉則絡脈虛伏則小便難虛難相搏水走皮膚

則為水矣

素頸脈動喘疾欬曰水平人氣

仲風水其脈自浮外証骨節疼痛惡風針經論疾診尺篇

微雍如新臥起狀其頸脈動時欬按其手足上實而不

者風膚脹也又仲景云太陽脈浮而緊法當骨節疼痛及

不出身休反重而酸其人不可汗

出即愈為風水治法見前陽虛條

皮水其脈亦浮外証肘腫按之沒指不惡風其腹如鼓不

渴當發其汗又云渴而不惡寒者此是皮水蓋法當風水

亦當發汗也治正水其脈沉遲外証自喘

石水其脈自沉外証腹滿不喘大奇論篇腎肝并沉

黃汗其脈沉遲身發熱胸滿四肢頭面腫久不愈必致癰

膿又云身腫而冷狀如周痺胃中窒不能食反

聚痛暮燥不得眠此為黃汗治法見黃疸條

仲心水者其身重而少氣不得臥煩而躁其陰大腫肝

水者其腹大不能自轉側脇下腹中痛時時津液微生小

便續通肺水者身腫小便難時時鴨溇脾水者其腹

大四肢苦重津液不生但苦少氣小便難腎水者其腹

大臍腫腰痛不得溺陰下濕如牛鼻上汗其足逆冷面黃

瘦便一云大無大抵浮腫數即是虛寒潛止于其間必沉伏沉伏

則陽虛陰實為水必矣。面龐然浮腫疼痛其色焔黑多汗惡風者屬腎風。治見諸風註諸唇黑則傷肝缺盆平則傷心臍出則傷脾足心平則傷腎背平則傷肺凡此五傷必不可治也。

仲脉得諸沉實有身水身腫重水病脉出者死。無澤云脉帶數即是虛寒皆止于其間久必死伏沉伏則陽虛陰實為水必矣

脉水病脉洪大者可治微細者不可治。水病腹大如鼓脉實者生虛者死。水病夜半死。全文見診生死

仲諸病水者渴而不利小便救者皆不可發汗。**素**帝曰有病腎風者面腫然壅塞于言可刺否岐伯曰虛不當刺不當刺而刺後五日其氣必至帝曰其至何如

岐伯曰至必少氣時熱時熱從曾背至上至頭汗出手熱口乾苦渴小便黃目下腫腹中鳴身重難以行月事不來煩

禁忌

而不能食不能正偃正偃則咳病名曰風水論在刺法中帝曰願聞其說岐伯曰邪之所湊其氣必虛陰虛者陽必湊之故水氣時熱而汗出也小便黃者少腹中有熱也不能正偃者胃中不和也正偃則咳甚上迫肺也諸有水氣者微腫先見于目下也帝曰何以言之岐伯曰水者陰也目者亦陰也腹者至陰之所居故水在腹者必使目下腫也真氣上逆故口苦舌乾不得正偃正偃則咳出清水也諸水病者不得卧卧則驚驚則欬甚也腹中鳴者病本於胃也薄脾則煩不能食食不能下者胃脘隔也身重難以行者胃脉在足也月事不來者胞脉閉也胞脉者屬心而絡于胞中今氣上迫肺心氣不得下通故月事不來也

評熱

仲問曰病者若水面自身躄四肢皆腫小便不利脉之不

言水反言胸中痛氣上衝咽狀如炙肉當微咳喘審如師
言其脉何類師曰寸口脉沉而緊沉為水緊為寒沉緊相
搏結在關元始時當微年盛不覺陽衰之後榮衛相于陽
損陰盛結寒微動腎氣上衝喉咽塞噎脇下急痛醫以為
留飲而大下之氣擊不去其病不除後重吐之胃家虛煩
咽燥欲飲水小便不利水穀不化面自手足浮腫又與葶
藶丸下水當時如少差餘飲過度腫復如前胸脇苦痛象
若奔豚其水揚溢則浮咳喘逆當先攻擊衝氣令止乃治
咳止其喘自差先治新病當在後

考誤

丹廬氏醫鏡水腫辨 內經曰諸氣憤鬱皆屬於肺諸濕
腫滿皆屬於脾諸腹脹大皆屬於熱蓋濕者土之氣土者
火之子故濕每生于熱熱氣亦能自濕者子氣感母濕之
變也凡病腫皆宜以治濕為主所挾不同故治法亦異類

例治腫以治水立說而欲導腎以決去之豈理也哉脾土
衰弱內因七情外傷六氣失運化之職清濁混淆鬱而為
水類例以為本末皆隸于肺腎胃三者而不及脾下文繼
以肺金盛而生水水液妄行氣息閉樞機壅而為腫夫脾
土受病肺為之子焉有自盛而生水者哉若謂腫之水果
生于肺金之清氣則滋長腎陰奉行降令為化生之源何
病腫之有今滲透經絡注流溪谷皆濁腐之氣窒碍津液
久久灌入隧道血亦化水而欲藉脾土以制之導腎氣以
利之不思脾病則肝木來侮子氣亦衰木寡于畏脾欲不
病不可得矣治法宜清心經之火補養脾土全運化之職
肺氣下降滲道開通使敗濁之氣其稍清皆復回而為氣
為血為津液其甚者在上為汗在下為溺以漸而分消矣
今不明言而曰制水燥水得非白圭以隣國為壑平經言

天裡

腫病因津液充郭而致不生于肺金之盛也明矣又言氣拒于內氣耗于外責其不能滲運敗濁耳又云開鬼門潔淨府鬼門膚腠也屬肺淨府膀胱也屬腎之府未聞有導腎氣之說註文明言陰精耗損腎氣果可導乎仲景謂治濕利小便即經中潔淨府之意苟以清淨為腎而導之果於經意有合乎錢仲陽謂腎無瀉法其可輕易導之乎或曰經言疏滌五臟非導腎歟予曰此承上文五陽已布而言若鬼門開矣淨府潔矣五臟之陽氣條布彼敗濁之氣自然疏導滌除于腎氣何與焉

胎前水腫

防已七升 桑白皮 赤茯苓 紫蘇葶藶各一兩

利

防已七升

桑白皮

赤茯苓

紫蘇葶藶各一兩

木香三錢

右為粗末每服四錢姜四片水同煎食前服

葶藶散治妊娠遍身洪腫

葶藶子兩

白朮五兩

茯苓

桑白皮

郁李仁各二兩

右為粗末水六升煎取二升分三服小便利即瘥

又方澤瀉

葶藶各二兩

茯苓

枳殼

白朮各六兩

右細切以水六升煮取二升半分溫二服

子和治妊娠從脚上至腹腫小便不利微渴猪苓五兩末

以熟水服方寸匕日三服

丹子腫多濕用山梔一撮米飲吞下

產後水腫

卷之五

三

大法

益

丹產後腫必用大補氣血為主少佐以蒼朮茯苓使水自利

大芫炒去皮 茯苓兩一 真琥珀錢一

右為細末濃煎烏苦紫蘇湯調下

產後四肢浮腫者敗血循經流入四肢滯留日深腐爛如冰故令四肢腫面黃宜服小調經散血行腫消則愈

沒藥錢一 琥珀錢一 桂心錢一 芍藥錢一

當歸錢一 細辛錢一 麝香各五分

右為細末每服半錢姜汁酒各少許調停服

丹婦人產後浮腫小便少口渴惡寒無力脉皆沉此躰虛而有濕熱之積必上焦閉宜補中道水行氣可也

白朮半兩 陳皮兩一 川芎兩半 木通錢六

虛寒

茯苓錢三

下與點九廿五九

大奪魂散治產後虛腫喘促利小便則愈

生姜取汁 白麵三兩 半夏個七

右以生姜汁搜麵裹半夏為七餅子煨焦熟為末水調

下蓋小便利為功

緊如產後風寒在表面四肢浮腫宜方中七聖丸白湯下日加以利為度方見痔 如浮腫至膝喘嗽加水香

棋柳倍之謂氣多也 如浮腫又頭痛昏胃加羌活川芎

謂風多也 如只浮腫止七聖丸本方服之

埋中滿分消丸方見張門熱條

杜張宣微侍寵產後半月忽患浮腫急召產科醫治經半

月不瘥病勢轉劇召杜治之杜至曰諸醫作何病張曰皆

寒熱

云水氣浮腫杜曰非也且水氣發咳嗽小便澀是也今愛
寵小便不澀不作咳嗽惟手足寒乃血藏虛氣塞不通流
面生浮腫遂用益血和氣藥治之旬日病去七八經半月
全愈所用之藥乃灵苑方牡丹散也其方云治血藏風虛
冷今產科家多用此藥治產後諸病如神更名曰損金湯
者是也 牡丹散 方見產後血暈明
大加減吳茱萸湯治婦人血藏虛宿挾風冷身面虛浮等
疾

吳茱萸 半一兩 桔梗 半 乾姜 半 甘草 半
麥門冬 半 防風 半 半夏 半 細辛 半
當歸 半 赤茯苓 半 牡丹皮 半 桂心 各半兩
右為粗末每服四錢水一盞半煎至七分去渣食前服

丹產後風腫水腫澤蘭防已等分温酒調下二錢如不能
飲者醋調下亦可 成氏方

小腹脹 胎前脹 產後脹
先腹大後四肢腫為脹 或獨腹大四肢不腫者治法同
無附子菜菔湯治寒客皮膚發殼然而堅腹大身腫按之
陷而不起色不變病名膚脹 劑未知再作

大附子 一個重七錢者 生去皮脂半破 菜菔 二兩
右以生薑二兩切水二碗煎至一碗去渣分三服空腹
温服次日將前附子破作四片再用菜菔二兩姜一兩
如前煎服停三日復將附子作八片如前煎服
治鼓脹法並見後行濕寒熱氣血諸條皆其法也
仲脹滿按之不痛為虛痛者為實可下之 腹脹時減復
如故此為寒當與温藥 腹滿不減減不足言須當下之

宜大承氣湯

海脾虛滿者黃芪湯芍藥 脾實滿不運平胃散蒼朮

東垣云腹脹滿氣不轉者加厚朴以破滯氣腹中旁悶此非腹脹滿乃散而不收可加芍藥收之是知氣結而脹宜厚朴散之散而脹宜芍藥收之

補虛行

鼓脹大補中氣行濕此乃脾虛之甚必須遠音樂斷厚味朝寬暮急血虛暮寬朝急氣虛終日急氣血皆虛用太劑人參白朮佐以陳皮蒼朮茯苓之類有血虛者四物行血隨証加減凡補氣必帶厚朴實滿腹脹必少佐厚朴者蓋厚朴味辛以氣聚于上焦故也氣不運加朮香氣若陷下用升麻柴胡以提其氣水腫當補脾為主白朮茯苓陳皮佐之

鼓脹論 心肺陽也居上腎肝陰也居下脾居中亦陰也

屬上經曰飲食入胃遊溢精氣上輸于脾脾氣散精上歸于肺通調水道下輸膀胱水精四布五經並行是脾具坤靜之德而有乾健之運故能致心肺之陽降腎肝之陰升而成天地交之泰是為無病之人今也七情內傷六淫外侵飲食失節房勞致虛脾土之陰受傷轉輸之官失職胃雖受穀不能運化故陽自升陰自降而成天地不交之否于斯時也清濁相混隧道壅塞氣化濁血凝滯而為熱之留而火氣化成濕濕熱相生遂成脹滿經曰鼓脹是也以其外雖堅滿中空無物有似于鼓其病膠固難以治療故又名曰蠱若虫侵蝕有蠱之義驗之治法理宜補脾又須養肺金以制木使脾無賊邪之慮滋腎水以制火使肺得清化之令却益味以防助邪斷妄想遠音樂以保母氣無有不_安醫者不察病起于虛急於取效術能益賞病者甚

忌利藥

補氣血為主

於脹急喜行利藥以求一時之快不知寬得三日半日其
 腫愈甚病邪甚矣真氣傷矣去死不遠古方惟禹餘糧丸
 又名石中黃丸又名紫金丸制肝補脾殊為切當亦須隨
 証又須順時加減用之為妙予友俞仁技儒而醫連得家
 難年近五十得此疾自制禹餘糧丸服之予診其脈弦濇
 而數曰此丸新製煅煉之火邪尚存溫熱之藥太多宜自
 加減不可執方俞笑曰今人不及古人此方不可加減服
 之一月口鼻出血色黑骨立而死揚兄年五十嗜酒
 病瘧半年患脹病自察必死求治診其脈弦而濇重則
 大瘡未愈手足瘦而腹狀如蜘蛛遂教以參朮為君當歸
 川芎芍藥為臣陳皮黃連厚朴茯苓為佐生甘草些少作
 濃湯飲之十日定三貼彼亦嚴守戒忌一月後瘧得汗而
 愈又半月小便長而脹愈中間雖少有加減大意只是補

氣行濕又陳氏年四十餘性嗜酒大便時見血于春間
 患張色黑而腹大其形如鬼診其脈數而濇重似弱予以
 四物加黃連黃芩木通白朮陳皮厚朴生甘草作湯與之
 近一年而安一補氣一補血餘藥大率相出又皆獲安以
 保天壽或曰氣無補法子何補氣而獲安果有說以通之
 乎予曰氣無補法乃世俗之言也蓋氣之為病痞悶壅塞
 似難於補恐增病勢不思正氣虛者不能運行邪滯所著
 而不去所以為病經曰壯者氣行則愈怯者著而成病苟
 或氣怯不用補法氣何由行或曰子之藥審則審矣何効
 之遲也病者久在床枕將必厭子之迂而求速効者矣余
 曰此病之起或三五年或十餘年根深勢篤欲求速効自
 求禍耳知玉道者能治此病也或曰脹病將終不可與利
 藥乎予曰灼知其不因于虛受病亦淺脾胃尚壯積滯不

固而又有可下之証亦宜畧與疏導若授長子和濬川散
 禹功丸為例行心攻之策實所不敢 潘可達女年十九
 歲稟受頗厚患曾腹脹滿自用下藥利十數行時脹無增
 減來求治診其脈皆大畧按即散而無力全無數意予曰
 此有表証反攻裏當死賴稟受好時又在室尚可挽回壽
 損矣急與四物湯加入參白朮帶白朮陳皮炙甘草煎服至
 半月後病不退又自用蘿蔔根種煎湯燥冷兩度時腫稍
 增予曰表病攻裏已自難救今又虛其表事急矣于前藥
 去地黃芍藥加黃芪倍白朮太劑濃煎湯飲又吞入參白
 朮九十日後如初病時又因吃難化物自利以參朮為君
 少加陳皮為佐又與肉苳蔻訶子為君山查子為使粥和
 作丸吞之至四五十貼而安 一男子年四十餘患瘧又
 而腹脹脈不數而微弦重取則來不滑利輕重又皆無力

遂與索氏三和湯三倍加白朮入姜汁服之數服而瘧愈
 小便利二三日脹稍減遂又小便短少予作氣血兩虛于
 前藥內入人參牛膝當歸身尾作太劑料百服而愈
 索氏三和湯三倍加白朮方

白朮 厚朴 陳皮 木通

檳榔 紫蘇 甘草 海金沙

大腹皮 白茯苓 枳殼 水煎服

海調胃白朮澤瀉散治痰病化為水氣傳變水穀不能食

白朮 澤瀉 芍藥 陳皮

茯苓 生姜 木香 檳榔

右為末治腹腫如神 若心下痞加枳實 若心下盛

加牽牛 仲心下堅大如盤邊如旋杯水飲所作枳朮濕土之

枳實個 白木兩
右二味以水五升煮取三升分溫三服腹中軟即當散也

因積成
脹者補
虛消積

羅真定王君用年二十九歲病積臍左連脇如覆杯腹脹如鼓多青絡脈喘不得臥時值暑雨加之自利完穀日晡潮熱夜有盜汗求予往治之脉得浮數按之有力謂病家曰九治積非有毒之劑攻之則不可今脈虛弱如此豈敢以常法治之遂投分滲益胃之劑數服而便清即調稌以升降陰陽進食和氣而腹大減胃氣稍平間以消積之劑不月餘良愈先師嘗曰潔古老人有云養正積自除譬如滿座君子縱有一小人自無容地今令真氣實胃氣強積自消矣

一婦人年三十六歲家貧多勞性偏急自七月斷經至

八月小腹下有一塊偏左如拳有時塊起即痛作伏則勢減至半月後腹漸腫脹食減平時三分之二無力遇夜發熱天明即稍退其脉得虛微短弱瀼左尤甚初與白朮一斤帶白陳皮一斤作二十貼服以三聖膏貼塊上經宿則塊軟再宿則塊小旬日後食稍進熱減半脉稍有力又與白朮一斤帶白陳皮半斤酒當歸身半斤木通三兩每貼研桃仁九粒盡此劑病悉除一婦人年五十餘歲素好怒因食燒猪肉次早面脹絕不思食倦怠六脈沉瀯獨左豁大余作軀虛有痰氣為痰所隔不得降當以補虛利痰為主每早以二陳湯加參朮大劑與一貼服後探令吐出藥辰巳時復與索氏三和湯一倍加白朮二貼至睡後以神佑七丸以撓其痰去牽牛如此服至一月而安矣金壽一安人年七十一歲好濕麵得帶下病亦惡寒淋瀝醫

與荷花鬚柴胡等藥發熱所下愈多醫與縮砂豆蔻藥以其食少也腹滿脹氣喘又與葶藶散不應又與禹餘糧丸病愈甚醫又與崇土散亦不應予脉之兩手洪瀦輕則弦長而滑實至是喘甚不得臥此不是濕而釀成濕在足太陰陽明一經水穀之氣為濕所抑不得上升遂成帶下理用升舉之劑以補氣和血次之而醫反與瀦燥宜其展轉身病遂與入參生肺之陰以拒火毒白朮以補胃氣除濕熱行水道薤仁去汚生新郁李仁行積水以通草佐之犀角屑解食毒消腫悶檳榔治最高之氣作濃湯吞下保和丸藥又疑素厚養有肉積加阿魏小丸同嚥之四五日後積氣漸消腫漸下又加補腎丸以生腎水之真陰又兩三日後漸安而得睡食有味矣又兩日後加與點丸以驅逐肺家之積熱而愈

一丈夫脾有熱腎有虛胃有積得腫疾或進或退口乾或氣喘醫連月不退脉軟而細以其形肥不以為忌用

白朮錢四

芍藥

地黃錢三

連翹

當歸錢二

青皮錢二

人參

木通

羌活

黃芩各一錢半

甘草

紅花此

右分五貼煎下保和丸

楊生年三十因瘧初安淡食昔腐齋飯成脹在臍上小便赤少不思食口渴脉弦而澗此胃中有瘀血用

蘇梗錢二

木通錢半

白朮錢一

川芎

枳實錢二

白芍各五分

甘草二分

陳皮分五

厚朴分三

右研益元散下保和丸五十粒
一丈夫氣上吐或膨脹此下虛所致

陳皮錢五 人參 歸鬚 白朮
 連翹錢三 地黃 芍藥錢二 木通錢一
 甘草錢五

右分五貼煎下保和丸

木香化滯湯

赤心白苳蔻仁 陳皮 大腹子 白茯苓

砂仁 人參各一錢 青皮 檳榔

木香 姜黃各二錢 白朮一錢 甘草錢四

白檀仁 藿香葉分二 桔梗分五

右為細末水一大盞二分煎至一盞稍熱服食前沸湯

點服亦得

右方治因積滯成脹皆以參朮枳通等煎湯補虛行濕下神佑阿魏等丸消積所謂攻補兼施者也

小温中丸治脹是脾虛不能運化不可下之

陳皮 半夏湯泡去神麩炒 茯苓各一兩

白米二兩 香附子不要烘晒針砂各一兩半

苦參炒 黃連炒各半兩 甘草三錢

右為末醋水各一盞打糊為丸如桐子大每服七八十

丸白朮六錢陳皮一錢生姜一片煎湯吞下虛甚加入

參一錢各用本方去黃連加厚朴半兩忌口病輕者服

此丸六七兩小便長病甚者服一斤小便始長

無禹餘糧丸治十種水氣脚腫上氣喘滿小便不利但

是水氣悉皆主之許李士及丹溪皆云

蛇含石大者三兩以新鐵銹盛又炭火中燒蛇黃與

出研 禹餘糧三兩 真針砂五兩先以水淘

并藥入炭中燒紅鉗出傾藥淨傳地上候冷研細

以三物為主其次量入虛實入下項治米多是攻擊推
戰甘遂芫花之比又有下項
藥扶持故虛人老人亦可服

羌活

木香

茯苓

川芎

牛膝酒浸

桂心

白芷慈炮

大茴香炒

蓬朮炮

附子炮

乾姜炮

青皮

京三稜炮

白茯苓

當歸酒浸一宿

右為末拌勻以湯浸蒸餅揆去水和藥再搗極勻丸如
桐子大食前溫酒白湯送下二十九至五十九最忌
下毫不可入口否則發疾愈甚但試服藥即於小便內
旋去不動臟腑病去日日三服燕以溫和調補氣血藥
助之真神方也

丹脉堅實人壯盛者或可用攻藥便收拾白朮為主

行濕

中滿治法開鬼門繫淨府開鬼門者發汗也繫淨府利

表

裡

小便也又中滿者瀉之於內謂脾胃有病當令上下分消
其氣下焦如瀆氣血自然分化不待洩滓穢如或太實太
滿太小便不利從權以寒熱藥下之或傷酒濕麩及味厚
之物膏粱之人又或食已便臥使濕熱之氣不得施化致
令腹脹滿此亦是熱脹也治熱脹分消丸主之
仰氣分心下堅大如盤邊如旋杯水飲所作桂枝去芍加
麻辛附子湯主之

桂枝

生姜三兩

甘草兩一

大棗十二

麻黃

細辛各二兩

附子一個

右七味以水七升煮麻黃去上沫內諸藥煮取二升分
溫三服當汗出如虫行皮中即愈

聖牛黃琥珀丸治水腫腹大氣息不通危急者神效

牛黃

琥珀

椒目沉水

葶藶炒紫色

昆布洗

海海洗炙各一兩

牽牛炒

桂各一兩

右八味為末別研葶藶如泥一處拌勻煉蜜九如桐子

大每服十五丸米飲下以小便利為度日再服河間方

有麝香龍胆無琥珀易名苦葶藶膏治法與此方同

仲腹滿口舌乾燥此腸胃間有水氣防已椒藶丸主之

防已炙 椒目炙 葶藶炙 大黃各一兩

右四味末之蜜為丸如桐子大先食飲服十九日三服

稍增口中自有津液渴者加芒硝五錢

平葶藶丸治腫滿腹大四肢枯瘦小便澀澗

甜葶藶隔紙炒 蒼朮根等分

右為末蜜丸如彈子大每服一丸陳皮湯嚼下只三九

小便清數丸當依舊已上葶藶丸

羅白丸子治單腹脹神效方見水腫門

治水氣蠱脹紫淨府楮實子丸

楮實子一斗水二斗 白丁香半兩 茯苓三兩

右二味為末用楮實膏為丸如桐子大不計丸數從少

至多服至小便清利及腹脹減為度次服中治丸末治

藥調養踈痞其中忌甘苦峻補其下宜五補七宜左白

香為行濕之劑中治丸即白朮散用白朮為

世治蠱用蝦蟆一枚去內腸入蜈蚣七個新瓦上焙乾為

末丸酒服如無蜈蚣用縮砂七粒本草云蝦蟆味辛寒

素黃帝問曰有病心腹滿且食則不能暮食此為何病岐

伯對曰名為鼓脹帝曰治之奈何岐伯曰治之以雞矢醴

一劑知二劑已帝曰其時有復發者何也岐伯曰此飲食

積成壯因
者但治

不節故時有病也雖然其病且已時故當病氣聚于腹也
腹中論主註推矢大不利小便微寒
用湯漬服之紫云以酒調服

無五積久必心腹脹滿肝為肥氣心為伏梁肺為息奔脾

為痞氣腎為奔豚如斯之類從五積法治之可也

丹朱慾入哥肚腫因濕氣起自五月能飲酒左脇有塊兩

足時有腫

白朮

三稜炒醋

木通

陳皮

大腹皮

赤茯苓

海金沙各五分

甘草二分

炒朴五分

肉桂三分

煎湯下保和丸三十溫中丸三十抑青丸十九

廣茂潰堅丸治中滿腹脹內有積堅硬如石形如盤冷

入坐臥不寧大小便瀦滯為喘氣促面色痿黃

厚朴五分

黃芩五分

黃連六分

草豈寇五分

益智五分

半夏七分

蓬朮二分

甘草生

紅花一分

柴胡

升麻

吳茱萸

澤瀉各二分

神麴三分

歸稍五分

青皮二分

陳皮一分

葛根四分治

右剉如麻荳大水二盞煎至一盞去渣稍熱服忌酒麴
二服之後中滿減半止有積不消再立方名曰半夏厚

朴湯

厚朴八分

半夏一分

吳茱萸

肉桂

紅花

黃連各一分

桃仁七分

蘇木五分

京三稜

蒼朮

白朮

柴胡

葛根不用

甘草生各三分

歸稍

猪苓

乾姜

升麻各四分

草豈寇各一分

澤瀉六分

木香

青皮

陳皮

黃芩生各二分

然石堅遂與仲景方厚朴生姜二兩半夏七錢甘草半兩
人參一錢每用藥一兩五錢水煎分三服下日服之至
十日愈

脈實
伏積
者微利

緊東一斗置鍋內入水約四指用大戟并根苗蓋過盆
之者熟為度去大戟不用旋旋吃刺無時寒盡決效如神

丹大戟為末裹肉丸每七丸泄利小水却快實者

垣沉香交泰丸治脹大便燥結脈沉之洪緩滑之弦者

沉香 白木各三 枳實炒一 厚朴姜制五各

茱萸湯 白茯苓 澤瀉 陳皮

當歸各二 大黃酒浸兩 青皮 木香各二

右為細末湯浸蒸餅為丸桐子大每服五十九丸加至七
八十九丸溫湯下食後微利止

泥香海金砂丸治一切積聚脾濕腫脹肚大青筋臃瘦惡

証

海金砂半斤 沉香錢 輕粉錢 牽牛末兩

右為末研獨科蒜如泥為丸如桐子大每服三十九丸加
至五十九丸煎百沸灯心通草湯空腹送下更量虛實加
減丸數取利為度

潔治腫木香散治水腫脹大如鼓或遍身皆腫

木香 大戟 白牽牛各等分

右細末用猪腰子一雙批片摻末在內煨熟空心服之
如食左腰子則搗左臂如食右腰子搗右臂如腫不能
全去于肘上透臍滿腹塗甘遂細末却飲甘草水少許
其腫便去也

竹香丸治蠱氣病有十種苦丁香為細末用熟棗為丸
如桐子大每服三十九丸煎東湯送下空心服之立效三服

大愈
仲病腹滿發熱十日脉浮而數飲食如故厚朴七物湯主之

厚朴半

甘草

大黃各三

大棗十枚

枳實五

桂枝三

生姜五

右七味以水一斗煮取四升温服八合一日三服嘔者加半夏五合下利去大黃寒多者加生姜至半斤右下脹諸方蓋本于經所謂泄之則脹已之旨也

寒熱

丹治脹專主濕熱治法見前補虛行濕條
垣諸腹脹大皆属于熱論此乃八益之邪有餘之証自天外而入感風寒之邪自表傳裏寒變為熱作胃實腹病日哺潮熱大渴引飲譫語是太陽陽明併大實大滿者大承氣湯下之少陽陽明微滿實者小承氣湯下之內經曰

泄之則脹已此之謂也又熱論云傷寒變為熱故下之不脹者以明寒因熱用故曰下之脹已非陰盛生內寒胃寒脹滿之病假令痰瀼為脹滿亦有寒脹熱脹是天之邪氣傷暑而得之不即時發至秋發者何也暑天當時助正氣故邪不能發至秋暮暑氣衰絕而瘧病作矣知其寒也局方用交辭飲子者是也此天之邪氣雖有餘病痰瀼猶以為寒况不足病為脹滿者乎是知腹脹多為寒病也何以言之脾經云胃中寒則脹滿靈樞經云夫飲食不節起居不時未得寒中又云腹脹滿胃脘當心而痛上支兩脇隔咽不通飲食不下取胃之三車又云濁氣在上則生腹脹靈樞經云脹取三陽三陽者足太陽膀胱寒水為脹與內經通評虛實論說腹暴滿按之不下取足太陽經絡者胃之募也正同又云腹滿臌脹支滿臌脹下厥上胃過在太

陰陽明此乃胃中寒熱鬱遏也又云太陰之厥則腹滿腹脹後不利不欲食則嘔不得卧按內經所說寒脹多如此老夫但略舉其端其病者不悟寒脹之多一切脹滿病作熱治之多用三花神佑丸大黃牽牛之類下之或藥病不相應立致夭折由是論之當從靈樞素問乎當從俗醫胃臆之論乎今立治中滿腹脹寒脹下方熱脹下方評而用之使上下分消其氣可也中滿分消湯治寒脹分消丸治熱脹二方並見後條

靈胃中寒則腹脹胃中熱則脹而且泄靈樞傳適寒涼者脹下之則脹也五常政論東垣沉香海金砂丸方見麻突篇陰并下下則足寒定寒則脹也論

恒濁氣在上則生腹脹陰陽應象論云清氣在下則生飧泄濁氣在上則生腹脹此陰陽反作病之逆從也夫腹脹者以寒熱溫涼論之此何脹也曰此飲食失節為脹乃

治熱脹法

受病之始也濕熱亦能為脹右關脈洪緩而沉弦脈浮于上是風濕熱三脈相合而為病也是脾胃之令不行陰火亢甚乘于脾胃盛則左遷而陽道不行是六腑之氣已絕于外火盛能令母實風氣外絕風氣外絕者是穀氣入胃清氣營氣不行便是風氣也異乎同類即胃氣者是也經云虛則蕪其所勝土不勝者肝之邪也是脾胃之土不足水火大勝者也經云濁陰出下竅濁陰走五臟濁陰歸六腑濁陰歸地此平康不病之常道反此則為脹也陰陽論云飲食不節起居不時者陰受之陰受之則入五臟入五臟則腹脹閉塞調經篇云下脘不通則胃氣熱熱氣薰胸中故內熱下脘者幽門也人身之中上下有七衝門皆下衝上也幽門上衝吸門吸門者會厭也衝其吸入之氣不得下歸于腎肝為陰火動相拒故咽膈不通致濁陰之氣

不得下降而大便乾燥不行胃之濕與客陰之火俱在其
中則腹脹作矣治在幽門使幽門通利泄其陰火潤其燥
血生益新血幽門通利則大便不閉吸門亦不受邪其腸
咽得通腹滿腹脹俱去是濁陰得下歸地矣故經曰中滿
者瀉之于內此法是也

沉香交泰丸治濁氣在上中擾清陽之氣鬱而不伸以為
腹脹服之以利為度方見前

右治脈洪便結而脹

治寒脹法

范天秩郎中之內八月先因勞役飲食失節加之憂思
氣結病心腹脹滿且食則不能暮食兩脇刺痛診其脈弦
而細至夜濁陰之氣當降而不降腹脹尤甚大抵陽主運
化飲食勞倦損傷脾胃陽氣不能運化精微聚而不散故
為脹滿先灸中脘乃胃之募穴引胃中生發之氣上行陽

道復以順氣湯助之則濁陰之氣自此而降矣
木香順氣湯治濁氣在上則生腹脹

- | | | | |
|--------------------------|----------------------|-----------------------|-----|
| 木香 | 蒼朮 | 草薢 | 藎裏煨 |
| 厚朴 <small>製四分</small> | 青皮 <small>錢二</small> | 益智 | 陳皮 |
| 澤瀉 | 白茯苓 <small>去</small> | 半夏 | 乾姜 |
| 吳茱萸 <small>湯泡各二分</small> | 當歸 | 人參 <small>各五分</small> | 升麻 |
| 柴胡 <small>一分</small> | | | |

內經曰留者行之結者散之以柴胡升麻之苦平行少
陽陽明二經發散清氣運行陽分為君以生姜半夏草
薢益智仁之甘辛大熱消散中寒為臣以厚朴木香
蒼朮青皮之辛苦大溫通順滯氣以陳皮當歸人參辛
甘溫調和榮衛滋養中氣濁氣不降宜以苦瀉之吳茱
萸之苦熱瀉之者也氣之瀉者為陽中之陰茯苓甘平

溼瀉賦平氣薄引濁陰之氣即上而下故以為佐氣味相合散之洩之上之下之使清濁之氣各安其位也右咳咄都作一服水二盞前至三盞去香溫服食前忌生冷硬物

脈脈
弦細為

右治脈弦細脇痛而脹中滿分消湯治中滿寒脹寒疝大小便不通陰燥足不收四肢厥逆食入反出下虛中滿腹中寒心下痞下焦燥寒沉厥奔豚不收二服愈

- 黃芪分五
- 益智
- 半夏各三
- 川烏分一
- 吳茱萸
- 草薺各五
- 人參
- 木香
- 青皮
- 當歸
- 黃連各二
- 厚朴分五
- 茯苓
- 澤瀉
- 生姜
- 麻黃各二分
- 升麻分三
- 柴胡稍
- 乾姜
- 薑澄各一分

黃柏分五

右劉如麻苳大作一服水二盞前至三盞去香稍熱服食前大忌房勞酒麪生冷硬物油膩丹治大人小兒因食菓子多而腹脹氣急者肉桂細米飯丸苳苳大每服十九小兒五粒熱水下經驗恒靈樞經云腹滿大便不利上走胃臆喘息喝喝然取足少陰取者瀉也宜以辛熱散之

- 良姜
- 肉桂
- 益智
- 草薺苳仁
- 厚朴
- 升麻
- 甘草
- 獨活使
- 又方桂枝
- 桔梗
- 人參
- 青皮分五
- 陳皮
- 良姜
- 白朮
- 澤瀉
- 吳茱萸

四肢濕腫宜膠刺先瀉其血結後調其真經謂刺去其血結是也
治心腹脹滿短氣以葶藶二兩去皮為細末生姜湯調下五分

太陰所至為胃滿辨云脾為陰中之太陰又云脾為陰中之至陰乃為坤元亘古不遷之土天為陽火也地為陰水也在天則為脾同陰水之化脾有餘則腹脹滿食不化故無陽則不能化五穀脾盛乃大寒為脹滿故脉經云胃中寒則脹滿太抵此病皆水氣寒濕為之也治宜大辛熱之劑必愈然亦有輕重
水香場氣丸治中滿腹脹下焦虛損者

蘿蔔子炒 陳皮去白各五錢 胡椒二錢 草薺剉裹
木香 青皮各一錢 蝎梢去毒二錢半
右為細末水調為丸如桐子大每服二十九溫米飲下

口渴
泄瀉
為熱

忌油膩服白粥白重者一年小兒丸如麻子大桑白皮湯下十九日三服大人陰囊洪腫冰冷須用青鹽乾姜白麩各二錢水和膏攤紙上塗貼
諸脹腹大皆為熱全文 諸病有聲鼓之如鼓皆屬于熱
垣中滿分消丸治中滿熱脹鼓脹氣脹水氣脹太熱脹有寒者不治

黃芩炒 黃連各五錢炒 姜黃 白朮
人參去 甘草炙 猪苓去皮各一錢 白茯苓去皮
砂仁各二錢 枳實炒 半夏湯泡各五錢 乾姜二錢
厚朴去皮炒 知母炒四錢 澤瀉二錢 陳皮三錢
右共為細末水浸蒸餅為丸如桐子大每服一百丸焙乾白湯下食後寒因熱用故焙服
丹有第二小娘食積挾濕手足生瘡腹滿面浮口渴食少

膈滿小便少大便實

大腹皮

乾葛各二錢

黃芩五錢

陳皮五錢

厚朴三錢

川芎三錢

炙甘草一錢

白木一兩

木通兩半

姜三片煎服

南二孺人面浮肚脹

蒼朮五錢

黃柏三錢

白木兩

陳皮一錢

木通二錢

川芎五錢

滑石半錢

甘草二錢

厚朴五分

裴孺人年五十二歲氣上膈滿食少此積熱生溫診得左三部瀼小右三部微數重取稍大喜得無弦脈為可治之病

白朮兩

青皮三錢

陳皮

厚朴各五錢

大腹皮二錢

片苓炒

木通五錢

蘇槓

川芎各三錢

桂枝半錢

甘梢一錢

分干貼姜二片煮飲之前查之湯下保和三十丸

經患腹脹滿奔悶振山梔根少許前水調一盞服 女人血氣腹腫以山梔根末三錢執酒空心服之

仲寸口脉遲而濇遲則為寒濇則為血不足跌陽脉微而遲微則為氣遲則為寒寒氣不足則手足逆冷手足逆冷

則榮衛不利榮衛不利則腹滿腸鳴相逐氣轉勝脫榮衛俱勞陽氣不通即身冷陰氣不通即骨寒陽前通則惡寒

陰前通則痺不仁陰陽相得其氣乃行大氣一轉其氣乃散實則失氣虛則遺尿名曰氣分

氣分謂氣不通利而脹血分謂血不通利而脹非脹病之外又別有氣分血分之病也蓋氣血不通利則水亦

不通利而尿少尿少則腹中水漸積而為脹但氣分心

氣分

血分

下堅大而病發于上血分血結胞門而病發于下氣分
先病水脹後經斷血分先經斷後病水脹也血分治法
見水腹脹

藏府
腹滿臌脹支兩胛脇下厥上胃過在足大陰陽明全文見
治虛實

素大陰所謂病脹都大陰子也十一月萬物氣皆藏于中
故曰病脹脈解

右脾胃脹治法見前補虛行濕條諸方是也

腎氣實則脹全文見治
虛實條 二陰一陽發病善脹心滿善氣

全文見診
病傳變

運氣
運氣脹有七

一曰濕助脾盛而脹經云諸濕腫滿皆屬脾土又云歲土
大過甚則飲食中滿又云歲土不及濕乃大行民病腹滿

又云土鬱之發民病心腹脹滿腸鳴又云太陽司夫寒氣
下臨濕氣變物水飲內畜中滿不發甚則附腫治以諸熱
是也

二曰風攻脾虛而脹經云厥陰在泉風淫所勝病腹脹治
以辛涼是也

三曰寒脹經云水太過曰流行流行之紀其病脹又云歲
水太過寒氣流行甚則腹大脰腫又云水鬱之發民病痞
堅腹滿又云太陽之勝皮膚痞腫腹滿又云太陰司夫之
政民病寒濕腹滿身腫附腫三之氣感于寒濕民病附腫
胸腹滿治以諸熱是也

四曰燥脹經云陽明之復腹脹而洩治以溫劑是也

五曰寒鬱熱于中而脹經云陽明司夫之政初之氣寒雨
化其病中熱脹又云太陽司夫之政二之氣太涼反至火

氣遂抑民病氣鬱中滿是也

六曰寒熱相薄而脹經云少陰司夫之政水火寒熱接于

氣交民病腹脹大又云太陰司夫之政四之氣寒風曉暮

蒸熱相搏民病心腹滿熱臚脹甚則肘腫是也

七曰火鬱之發脹經云火鬱之發民病脇腹胸背面首四

肢臏憤臚脹是也

梅治腹滿不能服藥導引方取獨蒜煨熟去皮納下部冷

即易

靈黃帝曰脈之應于寸口如何而脹岐伯曰其脈大堅以

濇者脹也黃帝曰何以知臟腑之脹也岐伯曰陰為臟陽

為腑帝曰夫氣之令入脹也在於血脈之中耶臟腑之內

乎岐伯曰二者皆存焉然非脹之舍也帝曰願聞脹之舍

岐伯曰夫脹者皆在於臟腑之外排臟腑而郭胸脇脹皮

雜方

針灸

膚故命曰脹黃帝曰臟腑之在胸脇腹裡之內也若匣匱

之藏禁器也各有次舍異名而同處一域之中其氣各異

願聞其故岐伯曰夫胸腹臟腑之郭也臚中者心主之宮

城也胃者大倉也咽喉小腸者傳送也胃之五竅者閭里

門戶也廉泉玉英者津液之道也故五臟六腑者各有畔

界其病各有形狀帝曰願聞脹形岐伯曰夫心脹者煩心

短氣臥不安甲乙經云心輸主之亦取列缺肺脹者虛滿而喘欬甲乙

亦取太淵肺輸主之肝脹者脇下滿而痛引小腹甲乙云肝輸主

脾脹者善噦四肢煩悞躄重不能勝衣臥不安甲乙云

亦取太白脾輸主之腎脹者腹滿引背央央然腰脾痛甲乙云腎輸

溪胃輸主之胃脹者腹滿腕骨痛鼻聞焦臭妨于食大便難甲乙

取章門脾輸主之大腸脹者脹鳴而痛濯濯冬自重感于寒則

飧洩不化甲乙云天小腸脹者少腹脹引而痛甲乙

崩主 膀胱脹者少腹滿而氣癢甲乙云曲 三焦脹者
 氣滿于皮膚中輕輕然而不堅甲乙云石 膽脹者脇下
 痛脹口中苦善太息甲乙云陽 凡此諸脹者其道在
 明知逆順針數不失瀉虛補實神去其室致邪失正真不
 可定粗之所敗謂之天命補虛瀉實神歸其室又塞其空
 謂之良工黃帝曰脹者焉生何因而有岐伯曰衛氣之在
 身也常然並脈循分肉行有逆順陰陽相隨乃得天和五
 臟更始四時有序五穀乃化然後厥氣在下榮衛留止寒
 氣逆上真邪相攻兩氣相搏乃合為脹也榮氣循脈衛氣
 逆為脈脹衛氣並脈循分為膚脹三里而瀉近者下下遠
 者三下無間虛實工在疾瀉榮衛循脈至此三十九字原
恩聞之上有三里而瀉之上當有脫簡甲乙云凡黃帝曰
五藏六腑之脹皆取三里三里者脹之要穴也 黃帝曰
 善何以解感岐伯曰合之于真三合而得帝曰善黃帝曰

脹論言無間虛實工在疾瀉近者下下遠者三下今有其
 三而不下者其過焉在岐伯曰此言陷于肉直而中氣穴
 者也不中氣穴則氣內閉針不陷直則氣不行上越中肉
 則衛氣相亂陰陽相逐其于脹也瀉瀉不瀉氣故不下三
 而不下必更其道氣下乃止不下復始可以萬全焉有殆
 者乎其于脹也必審其脈當瀉則瀉當補則補如鼓應桴
 惡有不下者乎張論
 刺灸脹有七法
 其一取血絡經云膚脹先取脹之血絡是也
 其二取胃經前篇脹論所謂三里而瀉近者下下遠者三
 下無間虛實工在疾瀉是其下法也又云胃者水穀之海
 其輸上在氣街下至三里水穀之海有餘則腹滿審守其
 輸調其虛實又云胃病者腹膜脹取之三里也又云胃足

陽明之脉是動則病實響腹脹胃中寒則脹滿視盛虛熱寒陷下取之是脹病太法皆瀉胃穴三里也

其三取脾經云腹滿食不化腹響響不能大便取足太陰又云脾足太陰之脈是動病腹脹噎噎視盛虛熱寒陷下取之又云脾虛則腹滿腸鳴飧洩取其經太陰陽明少陰

血者又云足太陰之别名曰公孫去本節之後一寸別走陽明其別者入絡腸胃虛則鼓脹取之所別也是脹之虛者多補足太陰脾穴也

其四取腎膀胱經云腎病者腹大脛腫取其經少陰太陽血者又云腎藏志志有餘則腹脹飧洩瀉然筋血者又云邪在腎則病腹脹腰痛大便難取之湧泉崑崙是有血者盡取之又云腹滿大便不利腹大亦上走胸嗌喘息喝喝然取足少陰又云男子如蠱女子如阻身躄腰脊如解不

欲飲食先取湧泉見血是跗上盛者盡見血也又云脹取三陽是脹病多瀉腎經諸穴也

其五取三焦委陽穴經云三焦病者腹氣滿小腹尤堅不得小便窘急溢則水留即為脹取委陽是也蓋不得小便則水無所泄其水溢出皮膚腫者為水其水留于腹中獨腹脹者為脹也

其六取肺經云振寒洒洒鼓顛不汗出腹脹煩惋取手太陰是也

其七取厥病成脹經云陽明之厥腹滿不得臥大陰之厥腹滿腹脹少陰之厥腹滿心痛厥陰之厥少腹腫痛腹脹盛則瀉之虛則補之不盛不虛以經取之是也

鼓脹之狀腹身皆大臍上下左右各刺二寸中腕通關三里手膚脹之狀空而不堅腹身盡腫按之陷而

通關三里手



不起 太白 公孫 復溜 絕骨 三里 分水

五腹脹 分水二寸 氣海 三里 三陰交 人中

腹脹并兩足有水 內庭五分 臨泣三分 瀉心可出一身之水

消腹暴脹按之不下 中腕 氣海 三里

單蠱脹氣喘 水分在分水旁各一寸半針

又法 分水 三里 行間 內庭 右關 氣海各灸二七

東腹脹臍突鉢盆中滿兌腰腫 大敦 天膞 崑崙

甲寒氣腹滿痞淫濼身熱腹中積聚痠痛衝門主之 腹

滿嚮嚮然不便心下有寒痛商丘主之 腹脹善滿積氣

關門主之 腹中氣盛腹脹逆不得卧陰陵泉主之 腹

脹腸鳴氣上衝胃不能久立腹中痛濯濯冬白重感于寒

則曳當臍而痛腸胃間遊氣切痛食不化不嗜食身腫俠

臍急天樞主之 腹中有大熱不安腹有大氣相和挾暴

腹脹瀉滯淫濼氣衝主之 腹滿痛不得息正即屈一膝

伸一股並氣衝針入三寸氣至瀉之 腸中寒脹滿善噫

聞食臭胃氣不足腸鳴脹滿腹痛洩食不化心下脹三里

主之 大腸有執腸鳴腹滿俠臍痛食不化喘不能久立

巨虛上廉主之 腹滿不嗜食衝陽主之 寒腹滿脹厲

兌主之 男子如蠱女子如阻寒熱少腹偏腫陰谷主之

胃中寒脹食多身熱羸瘦腹中滿而鳴腹腹風厥胸脇

堵滿嘔吐吞急痛筋變食不下胃輸主之 頭痛食不下

腸鳴臚脹欲吐時世注于焦俞主之 腹滿臚脹大便泄

意舍主之 臚脹水腫飲食不下多寒胃倉主之 腹滿

不能食刺脊中 寒中傷飽食飲不下五臟膜滿脹心腹

胸脇堵滿脉虛則生百病上腕主之 腹脹不通寒中傷

診

飽食飲不化中脘主之 水腫水氣行皮中陰文主之
水腫腹大水脹水氣行皮中石門主之 腹滿胃中有熱
不嗜食懸鍾主之

脈盛而緊曰脹平人氣象論。脹論。脈大堅以濇為脹。

唇偏舉者脾偏傾脾偏傾則善滿善脹全文見診生死下 腹脹身熱

脈大是逆也如是者不過十五日死矣全文見診生死下 或兼如瘡狀皆

不可治治緊驗 腹大脹四末清脫形瘦甚是逆也如是

者不及三時死矣 腹脹便血其脈大時絕是逆也 嘔

咳腹脹且飧泄其脈絕是逆也 少陰終者面黑齒長而

垢腹脹閉上下不通而終矣 太陰終者腹脹閉不得息

善噦善嘔嘔則逆逆則面赤不逆則上下不通不通則面

黑皮毛焦而終矣

少腹脹滿

射干浸 黃芩

臍下脹滿是也若先臍下滿漸延及臍上滿者亦用此法

無澤漆湯治石水四肢瘦腹腫不喘其脈沉

澤漆洗去腥 桑白皮 射干浸 黃芩

茯苓 白木各四兩 澤瀉 防已各二兩

右咬咀每服五錢水三盞烏荳一合煎二盞入藥同煎

七分去渣空腹溫服日三

聖治腹堅脹滿號石水方用白石英十兩槌大以藥

瓶盛用好酒三斗浸以泥重封瓶口用馬糞及糠火燒之

長令酒小沸從卯至午即住火候次日煖下中盞飲日可

三度如吃酒少隨性飲之其白石英可更一度燒之

素陰陽結邪多陰少陽曰石水少腹脹 腎肝并沉為石

水論 腎脈微大為石水起臍已下至小腹腫脹然上

至胃脘死不治

診

臍下脹滿是也若先臍下滿漸延及臍上滿者亦用此法

靈腸覃寒氣客于腸外與衛氣相搏氣不得榮因有所繫
癖而內着惡氣乃起瘰肉乃生其始生也大如鷄卵稍以
益大至其成如懷子之狀又者離歲按之則堅推之則移
月事以時下此其候也
羅疝露丸治寒傷于內氣凝不流結于腸外父為癥瘕時
作疼痛腰不得伸

京三稜

廣茂各一兩

乾漆五錢洗去

茴香三錢

硃砂四錢

輕粉一錢

川烏半兩炮

青皮三錢

雄黃三錢

川山甲炮

麝香五分

巴豆三十粒去皮同廣茂三稜

右除另研四味外餘為細末和勻生姜汁糊為丸桐子
大每服二三十九丸溫生姜湯送下溫酒亦得食前

無烏喙丸治腸覃亦治乳餘

烏喙炮去皮

半夏湯洗

石膏煨

藜蘆炒

牡蒙

茯苓酒

桂心

乾姜炮各

巴豆七個

右末蜜丸如葶苈大每服三五丸食後酒飲任下亦治
男子疝病

石痕

經云石痕生於胞中寒氣客于子門子門閉氣不得通惡
血當瀉不瀉則以留止日以益大狀如懷子月事不以時
下皆生于女子可導而下之

聖見睨丹治寒客于下焦血氣閉塞而成癥空大必不消
者

附子四錢炮

澤瀉

肉桂

玄胡索

木香各二

紫石英一錢

檳榔半

血竭錢半

水蛭炒

桃仁湯浸去皮

炒

京三稜判五錢 大黃判半錢 同京三稜酒浸一宿焙乾

右除血竭桃仁外同為細末和勻用原浸酒打糊為丸桐子大每服十九溫醋湯送下溫酒亦得食前

無石英散治婦人血結胞門或為癥瘕在腹脇間心腹脹滿腫急如石水狀俗謂之血蠱

紫石英兩 崑尾一錢 馬鞭草各五錢 紅花炒半兩 烏梅肉五錢 蓬木炮 三稜炮 蘇木節

沒藥研各錢 甘草一錢 右為末濃煎蘇木酒調下三錢不飲酒姜湯調服

脈問曰病有血分水何謂也師曰經水前斷後病水名曰血分此病為難治先病水後經水斷名曰水分此病易治何以故去水其經自當下水分即氣分也

仲寸口脈沉而遲沉則為水遲則為寒寒水相搏跌陽脈

診

伏水穀不化脾氣衰則驚漉胃氣衰則身腫少陽脈平少陰細男子則小便不利婦人則經水不通經為血血不利則為水名曰血分是也 師曰寸口脈沉而數數則為出沉則為入出則為陽實入則為陰結跌陽脈微而弦微則無胃氣弦則不得息少陰脈沉而滑沉則為在裏滑則為實沉滑相搏血結胞門其瘕不瀉經絡不通名曰血分 仲大黃甘遂湯治女人小腹滿如敦敦狀小便微難而不瀉為水與血并結在血室也

大黃四兩 甘遂炮 阿膠炒各二兩 右剉散每服三錢水一盞煎至七分去渣溫服其血當下

無萬病丸治室女月經不通臍下堅結大如杯升發熱往來下痢羸瘦此為血瘕若生肉瘕不可為也

乾漆碎炒令出

牛膝酒浸一宿

生地黄四兩八錢取汁

右以地黄汁入下三味為末慢火熬候可丸即先如梧子大空心米飲或溫酒下三丸日再勿妄加病去止藥女人氣血虛經不行者不可服之

氣灸

靈小腹痛大上走胃至心浙浙身時寒熱小便不利取足厥陰經

甲石水痛引脇下脹頭眩痛身盡熱關元主之 振寒大

腹石水四滿主之 石水刺氣衝 石水章門及然谷主

之 又天泉主之

世腸蠶之狀內着惡氣乃起瘕肉大如鷄卵日以益大其

成也如孕推之則移 中極 氣衝 天樞 五福

石瘕之狀生于胞中惡血不通日以益大如孕 陰陵泉

去胞中 復溜順骨刺下待腹溫方可去

胎前腹脹

大紫蘇飲治妊娘心腹脹滿而脇妨悶方見婦人胎

潔枳殼湯治婦人妊胎腹脹

枳殼兩 黃芩兩

右為粗末每服五錢水盞半煎溫服

治胎前腹滿身躄沉重枳殼湯中加白朮二兩

仲婦人懷妊六七月脉弦發熱其胎愈脹腹痛惡寒者小

腹如扇所以然者子藏寒故也當以附子湯溫其藏附子湯方

見傷寒

婦人傷胎懷身腹滿不得小便從腰已上重如有水氣狀

懷身七月太陰當養不養此心氣實刺瀉勞官及關元少

便微利則愈

滯氣

寒熱

治產後血與惡露不下因而血脹用杜牛膝杵碎用水熬成膏去香每服一硃未知再服神效子母產後穢汚不盡腹滿用麻子三兩酒五升煮取一升分溫三服當下惡物

千治產後穢汚下不盡腹滿生薑二斤以水煮取汁服即出

日華治產後血脹苗葉同功乃益母草子也

保紫金丹治產後腫胸中有物狀是噎氣不降

代赭石

硃礬石

各等分按本草並無硃礬石止血下石淋除穢積伏鬼物惡氣疑即是此

右為細末醋糊丸桐子大每服三十五丸酒下胸中痛

加川歸湯下必服治血癰

大抵聖湯治產後腹脹滿悶嘔吐不定不可用尋常治脹

止

赤芍藥

半夏

澤蘭葉

人參

陳皮各一分

甘草一分

右咬咀用水一碗生薑焙乾五錢煎至半碗去香分熱

三服

丹陽禮五疇人瘡產後腹滿胃渴不飲脉却虛

白朮炒六錢

陳皮五錢

白芍炒極熱二錢半 厚朴

川芎各二錢

每服加海金沙一錢

分四點煎下保和丸五粒

大枳朮湯治虛後心腹大如盤方見服門補虛條

保又方 代赭石兩 堯仁三十去 大黃兩

右細末薄荷水調丸三五丸溫水下無時

治產後腹大堅滿不能卧白聖散

樟柳根三

大戟兩

甘遂兩

右細末每服二錢熱湯下取大府利為度此主水腫也

妙藥也

此木為心頭大

公四

川苦

白朱

醫學綱目卷之二十四

醫學綱目卷之二十四

醫學綱目卷之二十四



